

中國方志叢書·華中地方·第一一號

據清·何紹章等修·楊履泰等纂
光緒五年刊本

影印

江蘇省

丹徒縣志

(一)

成文出版社有限公司印行



10105968

919354

中國方志叢書·華中地方·第一一號


據

清·何紹章等修·楊履泰等纂
光緒五年刊本

影印

江蘇省

丹徒縣志



5674/104
成文出版社有限公司印行



10105969

8918355

中國方志叢書·華中地方·第一一號

據清·何紹章等修·楊履泰等纂
光緒五年刊本

影印

江蘇省

丹徒縣志

(三)

成文出版社有限公司印行



10105970

919356

中華民國五十九年五月壹一版

丹徒縣志

全三冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

丹徒縣志卷首一

聖祖仁皇帝

御製詩

由儀真乘巨艦至京口

長江萬里開鴻濛高橋巨楫乘滕艫儀真京口路百里
挂帆瞬息凌長風汀蘆洲樹看歷歷波恬浪闊光瀲灩
迤流直下入滄海遠源上與岷峨通山川斷續合雲霧
日月照耀浮虛空舟行迅速疾飛駛恍聞擊鼓馮夷宮
桅樓高據極觀眺奇縱豁達舒心胸年來江漢罷桴鼓
河海清宴絕戰攻舳艫閒繫沙岸側水師捲甲懸長弓
丹徒縣志 卷首一 宸翰

金山 並序

金山在大江中南眺潤州北臨瓜步登陟其上縱目
千里泱泱乎大觀也朕率扈從諸臣歷覽諸勝江山
之奇未有逾於此者

一覽江天勝東南勢盡收帆檣來極浦臺榭起中流路
出丹崖上煙同碧漢浮登臨豁心目浩蕩俯滄洲

試中泠泉

緩酌中冷水曾傳第一泉如能作霖雨霑灑遍山川

妙高臺

臺高絕眾鳥臨眺暢清襟渺渺沙洲樹青青遠岸岑波

濤巖下接洞壑檻邊深江水明如鏡彌徵天地心
鐵甕城

萬里晴江擁舳艫高城鐵甕接康衢遺銘欲採華陽跡
舊宅難尋海岳圖半面烟嵐雄北固一方形勢控東吳
龍舟漫道巡行盛多恐深居政未敷

竹林禪院在潤州城南竹徑數里

一徑入深竹數里來上方叢生巖磴密枝拂雲烟長華
旗出林際芝蓋停三陽颯颯吹霜風碧葉紛翾翔山齋
頗幽寂萬籟含虛光觸物感子懷歌彼淇澳章

金山江天寺

獨受江天寺停橈上碧峰波瀾聲浩浩樓閣勢重重日

丹徒縣志 卷首一 宸翰

暖浮雙樹風微送午鐘遙看南北岸春色澹春容

焦山

焦山何岸粵遙與金山峙草木盡蒙茸幽偏隔城市放
舟下中流攀蘿上涯涘隱士不可招鶴銘洵足紀棲鶴
驚人飛暮雲千萬里

駐蹕金山

煙霧空濛水國昏夜移鳳舸泊山門然犀欲照鼉鼉窟
臥聽濤聲自吐吞

上巳日再登金山

晴和逢上巳況在大江濱正是回鑾日揮毫記此辰
長江夜月

萬里淪漣映平沙一望收天光起水色雲影共波流隔岸姑蘇遠臨軒夜月浮民情咸自得何必泛龍舟

渡揚子江

曉霧風初豁揚帆縱綵舟危峰真屹立漩水急洄流碧轉沿江柳沙平遠嶼洲十年巡再至騁目睇神邱

金山寺月夜

江山春物已雍和萬里晴光月倍多重倚高樓觀海闊浩然心鏡更如何

金山雨望

煙樹重重兩岸閒流雲著水水漫漫江煙江樹無窮盡不讓蓬瀛島上山

丹徒縣志

卷首一

宸翰

三

山中晚霽

返照開澄景餘霞作綺流夜深明月出隔岸見蘆洲

中冷泉

靜飲中冷水清寒味日新頓令超象外爽豁有天眞望焦山念己已曾登其上

大江日夜波汪洋金山焦山兩相望金山樓閣蕩丹碧

焦山竹樹多鬱蒼境深流廣人罕至往來曾一登其岡頃者放舟仍北渡壯哉混漾雲低昂青巖翠壁幽且蒨

圖經名著傳焦光何時痊鶴在山足遺銘剝蝕存華陽

山下有瘞鶴銘爲華陽葭洲白鳥忽飛出江花冥冥江

草芳是日雨餘氣清淑夏首晴晝欣舒長倚艦四顧暢

襟抱好風豁達來天闔

登金山望長江

烟雲清處曉霞飛萬里滔滔映紫微靈液渺茫浮淑氣孤峯崢嶸照晴暉花翻浪湧疑天色風動帆張共德威

晝夜如斯莫閒歇體乾勉已識瘡痍

自江寧至京口

輕綃初霽引江干隔岸蘆洲映水寒吳會人文因氣秀金焦巒勢起宏觀往來客旅千重艘上下波濤萬里灘

逝者綿綿無歇息利名今古視艱難

登焦山

風帆戰艦入沙洲不動雲烟一豫遊只見晴光安水面

丹徒縣志

卷首一

宸翰

四

潮聲靜裏卷潭秋

長江靜浪歌

傳來江勢最兇險萬里長流湍激灑蔥嶺分派自岷山江漢黑水界蜀陝逶迤東注百川歸縈帶如駛經諸磯

風波雲霧全渺渺羣峰岬立暝烟微鐵鎖橫江原氣怯投鞭斷流借蓋威未若自然順天意無怠無荒廣川濟

利涉須憑正剛柔分理全賴作舟楫仁者如斯稱水德治人御事先光霽最喜長江能容物更羨長江有寬厲

每度無險浪且平登臨慷慨古今情未卜始終概難信

願言永靜勿紛更

自龍潭用戰艦頃刻至金山

來往無滯如皎鏡江干極目遠峰連昔時血戰君山側
今日平成萬里天

見龍行 並序

四月三十日駐蹕金山是日中刻無風雷惟細雨一
陣既過而西南現龍橫亘數十丈宛轉移時遂入雲
端問及土人非起蛟也名爲龍見以爲祥瑞等語朕
亦不以爲異故援筆漫成見龍行以示隨侍

在田在天連二五純陽變化參吞吐非如起蛟壞田廬
又非密霧傷園圃雲端前後發祥光透迤上下行有矩
而乘六龍以御天不違施德普時雨有亢有悔有虧盈
首出庶物用精明大哉龍德從其類發揮純粹須經營

丹徒縣志 卷首一

宸翰

五

長江一派何泱泱素波萬里盡澄泓象震凌雲敦元氣
日新顧譔玩無聲

大學士張玉書輓詩

文章末齒兼絲綸舊德疑承近紫宸瀚海天山同正略
江干河道與嘗新表賢未及身先沒願養空談夢後湮
揮淚長歎歎佐斗從來傷痛肅雍臣

御製詩餘

自鎮江之江寧

調寄臨江仙

一路江邊煙景千般鶯曉園林夕陽小屋題容身松風
清習氣麥浪得甘霖 夾岸漁歌唱晚臨流按譜行吟
肩輿遙指石榴陰怡情援筆錄危坐待知音

御製賦

竹賦

江南修竹成林森如綠玉見輒愛之昔人所以歌君子
也舟行閒暇偶作賦曰攬嘉生之植物美修竹之嫵媚
振蕤蕤以擢地結蒼翠而參天吐碧鮮於原隰含玉潤
於山川拂丹霄以煥采濯晨露以增妍爾其體本眞堅
性惟高子款款虛中亭亭秀越居遠俗以無塵生自然
而有列遊必集於鸛鸞色不渝於霜雪抱君子之德生
豈凡姿之可埒至於汗青爲簡截管成聲文章彬郁律
呂和鳴流兩閒之元化開萬古之菁英亦有簞材敷布
箭括叢生鏃礪作器規矩中程或垂美於九府或呈能
於五兵斯其爲致用之廣遠尤不可以一得名也至若
淇澳見稱於衛國夾池作賦於梁園詠千畝於渭上想
一葉於湘潭罔不紀羣標傑意殊態嚴況爾闕北秋高
江南地潔見衆茂之咸凋知孤貞之自結巨幹凌風修
莖映月豈徒覽夫清陰實與感乎勁節何當植根綺殿
布影彤庭彩鸞下集丹鳳載鳴將曉食夫珠寶亦暮託
於紺莖乃其峭蒨之容檀欒之美繁條綴青芳筠孕紫
散夏景於瑤林蔭春華於仙芷夏素簾以風疏被青暉
而雲委影入戶而窺簷聲含宮而嚮微亦足以怡情適
性娛目賞心徘徊晨夕抒寫高吟響蕭蕭而隱几颺颺
颺以開襟披十重之細帙鼓五弦之雅琴聊濡毫以成

丹徒縣志

卷首一

宸翰

太

賦寄予思於遙深

御製文

恭侍

皇太后駕臨金山記

朕臨馭以來緬維

祖宗付託之重孜孜圖治宵旰不遑茲幸中外清平無事則裕民肅吏以登上理端在斯時顧朕身居九重慮周蔀屋間閭疾苦容或壅於上聞又淮黃濬築務繁非親行相度亦無由底績於是載舉南巡之典以諮求民瘼然上念

皇太后春秋亦高矣誠恐違離日久定省有缺於心歉然

丹徒縣志

卷首一

宸翰

七

用是敦請同行謹擇於今年二月之吉朕率諸子捧

鑾輿登仙鶴發自潞河一路問

安視

膳無聞

宮闈朕心少憚惟

皇太后天性仁慈軫念民隱尤切每見田家作苦則指謂

諸子曰稼穡艱難如此汝輩生長深宮可勿念乎諸子

悉受

教惟謹即朕日祇聆

懿訓所至布德施惠惟恐一夫不獲

聖慈每聞之必爲色喜顧謂諸子曰汝父皇愛民如是太

平可永保矣老身爲加一飯蓋盛德之下逮如此河工

既闋畢朕將南由吳會歷武林取道建業以歸乃復奉

慈駕南臨於四月之望自瓜步渡江江中有峰聳峙曰金

山亦名勝也山椒庭院清幽齋堂闕邃爰掖

慈帷於斯駐蹕焉而是日天氣晴和江光如鏡帆檣上下

煙樹氤氲

皇太后隨意矚眺

天懷舒暢朕率諸子進蔬茗獻筍芋卽山櫻沼芡拉荷

親嘗曰田閒味何可棄也蓋

皇太后秉躬謙抑雖瞿曇蘭若亦施

恩禮又

丹徒縣志

卷首一

宸翰

八

聖澤所加首先笑獨諸凡邗堰田婦罔不攜持童稚環繞

翟車仰瞻官扇一時

懿綸溫慰賞資駢蕃而臣僚命婦之嫻於禮者亦皆環珮

霞帔伏迎道左親炙

鑾輿遠近傳爲盛事山陬海澨婦孺僉稱兕觥而祝

慈壽者且數千里趾相接也猗與休哉朕觀從古陰教如

省繅觀穫載在禮經卽前代宣宗亦嘗親奉母帷巡覽

畿甸賦詩紀事侈爲美談朕茲幸際昇平太和豫順合

億兆之歡心以隆尊養亦庶幾以孝治光海宇之意而

皇太后之徽音懿行可臚彤管爲萬世母儀法者尤亘古

罕觀也朕謹薰沐拜紀勒諸貞珉以垂奕禩云

金山江天寺碑

大江之中有山岌岌巖巖湧波濤而傑出者無如金山山之上高閣飛棟軒然四列凡夫日月之蔽虧風煙之噴薄帆檣樓堞鳬魚之出沒隱見於其中者舉可俯而有也夫岷山之源其始濫觴及乎建瓴而下近紫巴蜀遠跨荆揚數千里而歸墟於大壑滔滔南紀昔人目之天塹當六代時偏安建業江之左右遂爲重鎮是山以卷石屹乎中流引淮泗苞吳會可不謂天下之雄觀形勢之極勝者哉今四海一家書同軌合纖塵不揚斥埃無警舟車則萬國霧會筐篚則九域星馳是山也信足以爲登臨之美蓋異夫昔之憑藉江山以爲險者矣朕舟徙縣志

卷首一 宸翰

九

南巡筆記

廿四日將由儀真幸江寧府忽遇順風可以速達京口遂乘沙船順流而下波恬浪靜瞬息七十里沙船江中戰艦也自岳州長沙用兵以來多得其力今河海清宴當時戰具僅供渡江之用然安不忘危朕於此時未嘗不念艱難用武之際次早登金山孤巒隱岫屹峙大江

中飛閣流丹金碧照灼更有一峯離立曰善才石郭璞墓在其西上有妙高臺雷雲亭朝陽洞下有中冷水稱天下第一泉朕率扈從諸臣一一探眺縱目千里題江天一覽四字並賦二詩竹林禪院在鎮江府城南五里曲徑逶迤茂林修竹高者四五丈大者圍尺青葉碧枝陰森崖谷實北地之所未有

操舟說

器之利用而致遠者陸行莫如車水行莫如舟舟之爲用也逸於車而險或過之若享其逸而不入於險則恃乎操舟者之有其道也當夫水石擊撞波濤怒飛迴颿如驚驟合若離此非其巧之爲乎至如浮滄溟駕虞淵

舟徙縣志 卷首一 宸翰

十

歷艤艫如衽席汎浩瀚以洞沿此非其習之然乎若或凌萬頃之中流驚颿風之四集檣櫓欹傾徒侶失色巧者不及施習者不及試斯時也惴惴然有胥溺之憂自非備之以至豫而持之以至慎殆鮮克濟事焉蓋其所爲巧與習者藝也而其所爲豫且備者道也易曰濡有衣袽終日戒詩曰緇纏維之言其豫也言其慎也朕南巡江淮閒見操舟者苟備之豫而持之慎矣雖大舟罔弗如其意之所欲爲焉苟備之不豫而持之不慎舟雖小亦不能勝任而愉快也夫舟一器操舟一藝耳猶必有道持之以不至於敗況居天下之大器者哉揚子有言乘國者其如乘航乎航安則民安矣此物此志也

御匾

江山壯觀

水天清映並書樓御

江天寺天王殿

動靜萬古大雄殿

江天一覽雲亭

松風石龍洞上

雲峰朝陽洞

祇樹以上並金山

定慧寺天王殿

香林

丹徒縣志卷首 宸翰

法雲慧日並大雄殿

山高水長並土祠以

寶晉遺蹤海嶽庵

竹林寺

八公洞

忠蓋永昭宗澤祠

松蔭堂

光輔並張玉書宅

御聯

能使無風浪

常存得靜安御書樓

僧歸夜船月

龍出曉堂雲大雄殿

溪雲初起日沈閣

山雨欲來風滿樓七峯閣

孤雲自往心同遠

皓月當空性本圓以上並金山

御碑

操舟說禮部左侍郎臣張玉書奉 敕書京口副

都統臣張思恭勒石

臨董其昌書般若波羅密多心經 甲子

金山江天寺碑禮部左侍郎臣張玉書奉 敕書

丹徒縣志卷首 宸翰

康熙二十五年

江天一覽四字 鎮海將軍臣楊鳳翔等同勒石 康

熙二十六年

金山江天寺詩

臨松雪道人書般若波羅密多心經 丁丑

恩免金山雜派諭旨 康熙三十八年

恭侍

皇太后駕臨金山記 康熙三十八年

金山月夜詩 賜大學士臣張玉書 康熙三十八

年

臨趙子昂書畫錦堂記 賜金山大徹堂臣僧超樂

康熙三十八年

臨蘇軾過金山寺作

登金山望長江詩 康熙四十二年

長江靜波歌

松風石三字磨

雲峯二字磨崖以

般若波羅密多心經 康熙十九年焦

竹賦 康熙四十八年竹林寺

丹徒縣志 卷首一 宸翰

圭

丹徒縣志卷首一終

丹徒縣志卷首二

宸翰

高宗純皇帝

御製詩

渡江駐蹕金山作辛未

南巡行慶奉

慈寧畫舸中流瞬息經浪靜風恬賴江若琳宮福地藉山

靈西瞻瓜渡長烟白東挹焦山遠樹青拱讀穹碑欽

聖孝法貽百世慎聰聽

初登金山得句二首

萬疊銀堆一點青到來曠若換塵形奔騰揚子原標勝

丹徒縣志卷首一 宸翰

奚兀金山更靈劫外滄桑憑水閣空中樓閣借雲停

江天無盡心如爾頓使吟情入杳冥

亭臺俯瞰真無地星斗平臨別有天萬古豪吟誰造極

一時勝覽若登仙方壺圓嶠逢今日伊闕轅轅忘去年

而我先憂饒後樂何能福地久畱連

遊金山寺用蘇東坡韻兼效其體

平生不戒遊覽興西浮於洛東觀海輕舟風利過維揚

此閒初識有江在中流巒嵒如補陀八功德水澄無波

精藍信宿可畱憇層樓阿閣何須多青雀黃龍盡收楫

笳吹笙歌送西日帆檣遠近掛紅燈照入江天星點赤

髯翁醉醒風雅曉奇句孤吟深夜黑信耶非耶漫強明

律中要使鬼神驚六百年來人莫識我偶拈廢答風物

溢觴遠憶巴岷山土鼓雲門拳石頑清賞憑高興未已

烹茶更試中冷水

試中冷泉作

大江西來源接天流長入海於此成奔川孕精育秀乃

少蓄結爲波心突兀之金山五行相生本母義詎因頭

陀裴氏方名傳互爲其根仍妙合山腰湧出乳竇中冷

泉古稱第一今試品松枝拾取文火燃玉乳印心淡無

滓雲漿入口飄乎仙飄乎仙風吹袂起左招浮邱右赤

松子平山第五拜下風浮玉中心洵無比而我巡方喜

過此更慚惟辟作福惟辟玉食箕疇言不必高談到斯

丹徒縣志卷首二 宸翰

祇惟飲其水

金山寺恭依

皇祖詩韻

瓜步登舟風日和金山景概實堪多此行詎止尋清賞

繩

武思量應若何

題文徵明金山圖

不到江山寺安知空闊奇攜將親證取當鏡固如斯

登金山塔頂

拾級憑登雁塔尖北南形勝望中兼高盤鶴鶴天風勁

下鎮蛟龍江窟恬造極真教諸慮靜到斯何必百憂添

許多勝槩吟無暇歸棹重臨擬細拈

江月

水月亦常見江月見乃初我來望後夜娥御來徐徐坐
待破初更乍覺金波浮叶焦山及象山對峙海門虛團
團爛銀鏡高懸只須臾擊鼓罷馬夷吹浪戢天吳鱗昆
及甲族擲仰光明珠擬欲問纖阿三山究何如水仙乘
赤鯉導我親證諸長揖謝未能勞逸終殊途

自金山放船至焦山用東坡韻

東坡材富大廈耽錢塘通守遵江南豪詞強韻寄磊落
醉醇江月對影三我乘陽氣行時令吳趨越若巡農蠶
黔黎愛戴任瞻就何德致此翻懷慙金山泊舟憩信宿

丹徒縣志

卷首二

宸翰

王

頭陀巖畔窺澄潭放舟焦山符勝賞長歌快誦心先酣
興來走筆步其韻何如喚起髯翁談底須樓觀壯浮玉
但愛松竹籠虛龕江山本色乃在此靜寄飽厭山泉甘
從來遠遊志士志豈辭多取貪夫貪餘杭此去讀奇作
綴辭拙速吾猶堪江風五兩送征棹青雲迴望禪庵

遊焦山作歌

金山似謝安絲管春風醉華屋焦山似羲之偃臥東床
坦其腹此難爲弟彼難兄元方季方各騰聲若以本色
論山水我意在此不在彼微風入江穀紋起從臣告我
遊應止橋安舟險有名言曉人何不當如是叶須臾風
息日纔展焦光望幸意已勤輕舟減從聊攬勝不教警

蹕呼紛紜三詔祠邊撫遺蹟瘞鶴碑側尋殘文交枝萬
樹蔽白日造極俯瞰千青雲江聲澎湃山色氤氳東西
亘界南北區分一條白水無斷續兩岸青山相吐吞焦
山之遊不虛云詩成用詔聞未聞

三詔祠

衡泌棲遲風尚清蝸廬焚後一身輕千秋洞口傳三詔
遁世微嫌未遁名

焦山古鼎歌用沈德潛韻

造物精氣屯於屯周宣石鼓此仲昆二物不共滄桑變
似與姬氏畱乾坤昔步太學撫十列今來浮玉瞻獨存
詎嫌梵唄雁堂寂飽諸世態龍宮蹲禹疇九鼎象百物

丹徒縣志

卷首二

宸翰

四

魍魎魍魎禰神魂周衰楚乃問輕重定郊沈泗紛迹痕
何以鐫泐傳世澤明標五字無多言是時風露正澄霽
昨夜丁甲已指捫初如天閭闔虎豹復如地軸巍崑崙
坐令百慮靜一旦瞥見法器當空門歛雲吐景耀光采
泐泐穆穆胚渾渾底須石鼓合豐劒千秋宜鎮化人園
奸相覆餗何取此誠哉利足使智昏韓蘇大筆彼兼擅
德潛長歌此獨論從來詩人志磊落要令一發萬氣吞
山頭時見鸞鶴下江面靜閱羲娥奔德潛強韻我步元
奚用君門排九閭

甘露寺和蘇軾韻

江曉風始息山芳春未闌江山有佳致助我尋清歡三

詔別隱士萬騎擁材官捨舟而遵陸快控青驄鞍左右
綠麥畦曲折朱木欄比日多舟車乘馬意爲寬南仰峯
律推北俯波渺漫尋筏步初地參旛標利竿湧出宇寫
蓮蹲來石貌獬獬蒲牢傳天監年月精鐫鑽其西踞算峯
臥龍籌阿瞞其東接象嶺鎖鑰壯雄觀六朝此割據訓
練列卒團蕭梁更佞佛云益功德瀾長廊扶嶸嶸拾級
暫遊盤居然得所思古殿猶善完貌鼎噴都梁鯨旛剪
綺執莊嚴獲福果俗僧多誕謾天天下山節雲中翔且
跚忽爲驂者龍忽爲鸞者鸞如夢幻泡影一語真不刊
小閣冠峯頂拂拂天風寒長烟一空碧騁目窮江干衛
公柏何在空傳枝屈蟠更間葬舍利七粒已出棺當時
舟徒縣志卷首二 宸翰 五
頗樹黨布金徒致歎地下遇董狐應悔跡未刳東坡詩
中仙五字留吟安豪氣驅雄才力敵扶搖搏倚韻成長
篇非欲爲其難梅花率已發梅子何時酸重來應首夏
無何一指彈
潤州道中作
山染青螺水綠涵今朝春色識江南迂途城市觀民俗
暫捨舟行策玉驂
碧草新蕪接驛樓金山迴望鏡中浮詩人月旦非唐突
第一江山果潤州
到處摩肩戶口多百年休養際熙和寒衣飢食人人願
足食足衣籌若何

許渾別墅今何在猶道詩人丁卯橋便可進舟行廿里
好乘京口晚來潮
戴禺宅作招隱寺雅合斯人高尙心玉藥唐昌自仙品
誰知津逮此中尋
長江天塹古稱雄守險何如守德崇此日往來成坦道
殷殷保泰惕予衷
北固山
北固當年戰守衝堯峯今見有喬松蘭舟來往纔經月
翠黛新添幾疊濃
金山行宮卽景
句吳於越省方還解澤何稽載道頒重舉明禋謁鍾阜
舟徒縣志卷首二 宸翰 六
便紆清蹕駐金山樓臺入水紅翻浪楊柳當春綠掩關
逾月風光異來往摩空塔影只閒閒
高資港
孝陵未讀柳州論繼世旋看禍亂紛詎可長江恃天塹
早敦高港覆舟軍金川守禦終無濟瓜蔓誅夷不忍聞
一死齊黃難贖罪獨憐氣節在斯文
長江夕照歌
借問長江源及委蓋與朱日爲出入浮玉崢嶸接東西
寅賓寅饌惟中立是時萬里無微風鱗雲映江江面紅
鯨宮蛟室朗欲徹楚山蜀塞渺何窮布帆來往紛紛者
振柁不較風上下北人使馬南人船各有所長語非假

金波浮沈金彈子將謂曦輪碾其底璿璣九萬且莫論
明朝試看扶桑始

渡江

吳越巡方兩月周長江迴泛木蘭舟風恬北指瓜洲渡
天朗西窮巫峽流花有繁紅識津口樹成嘉蔭出城頭
金山背擁蒼巖迴綠字曾題初度遊

自瓜洲放舟至金山

丁丑

觀民展義狩南邦瓜步平明掛錦箋柳絲桃紅春兩岸
風和浪細昔長江辛未渡此亦無風長樓臺四面雲峯矗簫鼓中
流水調擬西望鳳舟

王母降問

丹徒縣志

卷首二

良翰

七

安歡喜詣瑤窗

金山寺恭依

皇祖詩韻

從來佳境屬禪和佛印其人亦豈多

養志延禧遵

昔躅江山介壽慶如何

登金山塔頂疊舊作韻

定光塔據翠峯尖登眺崇情暢六兼百尺凌雲賢劫固
千年入影浩波恬東西源委因心會南北風光舉目添
石火春秋纔瞥眼今來饒是韻重拈
金山疊舊作韻

瓜步隄楊已宰青放舟江勢攬全形好春如繪迎春馭
福地無雙擅地靈蘿壁峭中尋昔句松軒勝處得今停
雖然歷歷成今昔不可分疏理亦冥

江流山峙千秋境柳暗花明二月天煮茗就泉思陸氏
摘辭卽景許髯仙豈能適已眞無暇每爲康民願有年
一帶吳根將越角惠鮮勤體蹕途連

江月

煙花玉魄將輪滿邂逅江閣清無塵光射海門接近觀
氣連岷山溯遠津初騰金蛇漾曲渚乍懸寶鏡涵輕輪
如見古桂斫吳斧復疑明珠呈鮫巾離奇變幻莫可狀
溶溶淦淦都入神此時此景恰逢我裴公先我千餘春

丹徒縣志

卷首二

良翰

人

遊金山寺再疊東坡韻

冊府常披輿地圖西極江源東竟海中流銀髮能許長
氏父乃如麥米在獲金名易裴頭陀祇園高下臨澄波
自茲勝蹟擅吳下騷人禪客遊恆多南國重來命巡楫
風恬浪靜韶春日佳境畢景不能窮琳宮梵宇層樓赤
石排萬劫埋仙魄金山前島世傳郭璞墓髯翁吟際髯應黑今來
古往熾然明不遷者存底用驚福地只宜泯六識山色
江聲定何物印公畱帶可鎮山當時公案足警頑蘇公
不言言未已試看袞袞東流水

自金山放船至焦山再疊蘇軾韻

江赴海意虎視耽自來天塹限北南漪氏遙源達溟渤

至此餘十之二三方壺員嶠誰則到徒稱火棗將水蠶
咫尺仙山一帆力不遊可懷日後慙石掛峭拔潮影退
俯欄可以窺深潭便命黃頭發青雀江天春物方清酣
忽懷玉局曾遊目中江長老談鄉談見東坡詩豪吟靜悟兩
寥寂祇饒松竹籠虛龕山蔬聊可爲清供豈必燒豬方
覺甘紙帳困眠明便去金山畱帶還嫌貪片時攬勝兼
望古幽情暢矣歸云堪翦波頃刻濟北固巖端更問蕭
公庵

三詔洞

三詔抗懷卻千秋潛德光董經曾不顧滕六詎能殃隱
也眞仙耳山高山江水長至今洞口石尙是煮餘糧

丹徒縣志

卷首二

宸翰

九

遊焦山作

我昔金焦互量比曾云在此不在彼昨來浮玉凭朱欄
又覺人間鮮並美東瞻島嶼藐拳石蓬萊有無只虛擬
順流揚帆忽至之宛憶前評不差耳如來轉境故稱佛
被境轉者衆生是慧禪寺禮調御夫焦先祠緬隱逸士
鬱葱樹色扶奇峯倒影盡在江天裏豚入息風銀月澄
龍出聽講黑雲起到斯雅合諸慮靜我則萬幾將誰委
江山不改心亦然返棹吾將勤政理

甘露寺

江干跋玉馬雲表謁祇園不見蕭公鑊聊參龍祖旂四
雄蹟已泯六代地猶存獨愛司勳句因之憩北軒

甘露寺北軒用杜牧之韻

精藍禮罷試閒行北首疏軒最暢情座俯長江拖玉練
窗含清籟颯桃笙地傳晉代還梁代鐘是唐聲抑宋聲
故蹟千秋率如此司勳饒得占詩名

過鎮江府城

焦山穩度紫霞舟十里鳴鞭過潤州秀麗江山窮睇盼
喧闐老幼厯咨諏萬民爾滿瞻依願一意予勤富教謀
前歲災荒昨歲熟旣爲慶慰亦爲愁

潤州道中雜韻

京峴山

鑿京峴命赭衣徒名象雖存蹟久蕪未及臨洮東屬海

丹徒縣志

卷首二

宸翰

十

長城築罷竟亡胡

讀書臺

避跡江湖權遠禍讀書千載有臺垂虎賁曾動中郎慕
親切甯知未若斯

紫府觀

福地稱居四十九青童馬蹟至今垂洞庭已自毛萇返
知達華陽又阿誰

招隱寺

義季曾聞舍戴禹竹林精舍久成空磨笄咫尺鄰黃鵠
巾幘何妨有父風

駐蹕金山

楊子垂波換綵舸定光遙見石排峯吳頭越角纔經攬
浪靜風恬幸每逢萬古東流目遊洽一時佳景興飛重
往來屈指剛彌月爾許青山兩岸濃

渡江至金山駐蹕作

王

昨夜風雄曉靜停

祖功一例奉

慈寧心期無忝勵無逸漬貺有昭欽有靈畫舸人情胥悅
豫鏡天景物正薰馨十年三度事多矣不改金山幾疊
青

試中冷泉作

一江之水冷分三古志乘爲斯談伯芻中冷稱第一
舟徒縣志卷首二宸翰

宸翰

士

又新第一又屬南水與人乃漠然者猶各阿好甘其甘
究之平流詎有意南北中豈殊同潭頭陀近試偶因便
德裕遠取還嫌貪松枝煮茗月初上翻聽謖籟鳴方酣
金山寺再依

皇祖詩韻

江山風物豈春和總爲

慈寧祝嘏多到岸

義碑先拱讀繼繩自問應如何

遊金山寺三疊東坡詩

趙宋詩人許坡翁雄才磅礴富似海創爲險韻再三疊
妙理無在無不在偶然遊戲參伽陀橫江那畏排山波

中江長老一握手故鄉情誼何其多伏牛山下重艤楫
風物撩人如昔日舊編翻讀和蘇章欲效其爲面先赤
強顏倚檻安吟魄甲乙宵須較白黑花紅柳綠春正明
人所習見誰言驚子瞻磊落頗卓識飛談江心見何物
英雄欺人力拔山設奇蓋欲曉彼頑歸欺何事不得已
底藉定盟有如水

遠帆樓觀燈船火戲詞四首

燈船火戲吾常禁今番緣何翻欲觀哈薩陪臣扈巡蹕
不妨因示萬民歡

頭陀山下夜行船金樹銀花頃刻燃照入江心霞影耗

東坡先著祖生鞭

舟徒縣志卷首二宸翰

宸翰

士

大江東去靜無風書舫花檠上下紅如此民情如此景
越殷保泰惕吾衷

鳳笙水調遏雲罷鶴燄春明入夜收願魄團圓海門出
心燈萬古照當頭

閩水操因題

奚緣閩水操哈薩扈巡艘欲示詰戎制都關馭遠韜千
帆殊欠捷五兩日非遭怪底東風便周郎始破曹

駐蹕金山再疊舊作韻

春來江湫鴨頭青天塹千秋據勝形

祖蹟重瞻祝

母報乾符不慶協坤靈依山蘭殿詢